



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum  
Collegiatarum, &c. per Boiarum, ac loca quædam vicina

**Hund, Wiguleus**

**Monachii, 1620**

Confirmatio præcedentis priuilegij.

**urn:nbn:de:hbz:466:1-13591**

- ✠ Ego Hubaldus presbyter Cardinal. tit. S. Praxed. ff.
- ✠ Ego Manfredus presbyter Cardinal. tit. S. Sauina. ff.
- ✠ Ego Aribertus presbyter Cardinal. tit. S. Anastasia. ff.
- ✠ Ego Iordanus presbyter Cardinal. tit. S. Susanna. ff.
- ✠ Ego Otto Diac. Cardinal. S. Georgij ad velum aureum. ff.
- ✠ Ego Octavianus Diac. Cardinal. S. Nicolai in Carcere Tulli. ff.
- ✠ Ego Guido Diac. Cardinal. S. Mariæ in porticu. ff.
- ✠ Ego Ioannes Diac. Card. S. Sergij & Bachi. ff.
- ✠ Ego Rolandus Diac. Cardinal. S. Cosmæ & Domiani. ff.

Datum *Sigme* per manum Bosonis S. Romanæ Ecclesiæ scriptoris XI. Calend. Decembr. indictione XIV. Incarnationis Dominicæ. Anno M. C. L. Pontificatus verò Domini Eugenij Papæ. 3. Anno sexto.

### Confirmatio præcedentis priuilegij.

Alexander Episcopus Seruus Seruorum Dei, dilectis filiis Ruperto Abbati Monasterij beati Quirini iuxta lacum *Tegernsee*, eiusq; fratribus tam presentibus quam futuris regularem vitam professis in perpetuum. Commissæ nobis apostolicæ sedis nos hortatur auctoritas, vt locis & personis ipsius auxiliū deuotione debita implorantib<sup>9</sup> tuitionis p̄sidium impendere debeamus. Quia sicut iniusta postulantibus nullus est tribuendus effectus, sic legitima & iusta desideratiū nulla est differenda petitio, præsertim eorum, qui cum honestate vite & laudabili morū compositione gaudent omnipotenti Deo deseruire. Ea propter dilecti in Domino filij vestris postulationibus benignum impertientes assensum, præ fatum Monasterium, quod vtiq; à nobilibus viris *Adalberto & Occario* germanis fratribus Illustribusq; Comitibus in suo fundo constructum est, & antiquis Romanorum Imperatorū priuilegiis *Pippini*, videlicet *Caroli & Ludouici* decoratum, in quo denique corpus B. *Quirini* à prædecessore nostro sanctæ recordationis *Zacharia* Romano Pontifice impetratura requiescere perhibetur sub B. *Petri* & nostra protectione suscipimus, & presentis scripti priuilegio communimus statuen. vt quasunque possessiones, quasunque bona idem Monasterium in presentiarum iustè & canonicè possidet, aut in futurum concessione Pontificum, largitione Regum vel Principum, oblatione fidelium, seu alijs iustis modis Deo propitio poterit adipisci, firma vobis vestrisq; successoribus & illibata permaneant. Præterea libertates siue immunitates ab Episcopis vel Regibus siue etiam Principibus vestro Monasterio rationabiliter concessas & scripto firmatas vobis nihilominus confirmamus, & vt nullus eas infringere seu inbeneficiare audeat, auctoritate apostolica prohibemus. Interdicimus insuper ne liceat Diocesano Episcopo Ecclesias ad vestrum Monasterium pertinentes aliquibus sine vestra voluntate conferre, sed fas vobis sit ad Ecclesias ipsas vacantes presbyteros eidem Episcopo presentare, quibus si idonei fuerint Episcopus curam animarum committat, ita quidem, vt ei de plebis cura respondeant, vobis autem de temporalibus debitam subiectionem impendant. Nihilominus etiam arcius interdicimus, ne cui Episcopo vel alij Ecclesiasticæ personæ vos vel monasterium vestrum sine manifesta & rationabili causa excommunicationi vel interdicto subiacere liceat. Sed cum generale interdictū terræ fuerit, fas vobis sit clausis januis exclusis excommunicatis & interdictis non pulsatis campanis sub pressa voce diuina officia celebrare. Christmas verò, oleum sanctum, consecrationes Altarium seu basilicarum, ordinationes clericorum qui ad sacros ordines fuerint promouendi à Diocesano suscipiatis Ep̄o,

si qui-

siquidem Catholicus fuerit, & ea gratis & absq; prauitate symoniaca exhibere vobis voluerit, alioquin liceat vobis Catholicis quem malueritis adire Antistite, quinimirum nostra fultus autoritate quod postulatur indulgeat. Obeunte vero te nunc eiusdem loci Abbate vel tuorum quolibet successorum nullus ibi qualibet surreptionis astucia seu violentia præponatur, nisi quem fratres comuni consensu, vel fratrum pars consilij sanioris secundum Dei timorē & B. *Benedicti* regulam prouiderint eligendum. Decernimus ergo vt nulli omnino hominum liceat præfatum cœnobium temerè perturbare, aut eius possessiones auferre, aut aliquibus vexationib. fatigare, sed omnia integra conseruentur, eorum pro quorum gubernatione & sustentatione concessa sunt vsibus omnimodis profutura, salua sedis apostolicæ autoritate & dyocesanî Episcopi canonica iustitia. Si qua igitur in futurum ecclesiastica secularisue persona, hanc nostræ constitutionis paginam sciens contra eam temerè venire temptauerit, secundò tertio uè commonita, si non satisfactioe congrua emendauerit potestatis honorisq; sui dignitate careat, reamque se diuino iudicio existere de perpetrata iniquitate cognoscat, & à sanctissimo corpore ac sanguine Dei & Domini nostri redemptoris Iesu Christi aliena fiat, atque in extremo examine districtæ ultioni subiaceat. Cunctis autem eidem loco sua iura seruantibus sit pax Domini nostri Iesu Christi, quatenus & hic fructum bonæ actionis percipiant, & apud districtum Iudicem præmia æternæ pacis inueniant. Amen.



Ego *Alexander* catholicæ Ecclesiæ Episcopus. ff.  
Ego *Hubaldus* Hostiensis Episcopus. ff.



- ✠ Ego *Ioan.* presb. Card. S. *Ioan.* p. tr. pinach. ff.
- ✠ Ego *Ioann.* presb. Card. tr. S. *Anastasia.* ff.
- ✠ Ego *Ioan.* presb. tr. S. *Marci.* ff.
- ✠ Ego *Theodorus* presb. Card. S. *Vitalis* tr. *Vestina.* ff.
- ✠ Ego *Petrus* presb. Card. tr. S. *Sufanna.* ff.
- ✠ Ego *Hugo* presb. Card. tr. S. *Clementis.* ff.
- ✠ Ego *Iaco.* S. *Mariæ*, in *Cosmedin* Diac. Card. ff.
- ✠ Ego *Ardico* Diac. Card. S. *Theodori.* ff.
- ✠ Ego *Ramerius* Diac. Card. S. *Georgij* ad *velum aureum.* ff.
- ✠ Ego *Matthæus* S. *Mariæ nouæ* Diac. Card. ff.
- ✠ Ego *Ramerius* Diac. Card. S. *Adriani.* ff.

Datum *Lateran* per manum *Alberti* presbyteri Card. & Cancellarij *IV. Idus Martij*, Indictione *XII.* Incarnationis *Dominicæ* an. *M. C. LXXVIII.* Pontificatus verò *Dñi Alexandri Papæ III.* an. *XX.*

### Confirmatio prædictorum II. priuilegiorum.

**V**RBANVS Episcopus seruus seruorum Dei. Dilectis filiis *Ruperto* Abbati *Monast. S. Quirini* iuxta lacum *Tegernsee* eiusq; fratribus tam præsentibus quam futuris